

靈寶領教濟度金書卷之一百九十六

洞微高士開光教普真人齊金真授

靈寶通玄弘教水南先生林靈真編

科儀立成品安宅

晚朝行道儀齊用

啓堂頌

各禮師存念如法

衛靈

五星高耀 瑞炁飛浮 元始集神 天地交周
玉符寶籙 嘯命微幽 擲火揚威 奸凶無留
萬魔振伏 紛葩却消 摧怪伐惡 道炁周流
神光照夜 陰翳俱收 萬仙降格 扇景衆飭
群生咸遂 惠遍神州 和與道合真

鳴法鼓二十四通

發爐

无上三天玄元始三炁太上道君太上老君
召出臣等身中三五功曹左右官使者左右
捧香驛龍騎吏侍香金童傳言散花玉女五
帝直符直口香官各三十六人出出者嚴裝
顯服冠帶垂纓關啓玄壇天帝神君當召此

問土地方域神真臣今晚朝陞壇行道謹奏
為入惠其諸忱悃已錄告聞願得
太上十方至真道炁靈寶瑞光下降流入臣
等身中令臣所啓之誠速達徑御
至真无極大道昊天玉皇上帝御前

請稱法位

具位奉行五土齋醮法事小兆巨某與臨壇
官衆等謹同誠上啓

太上无極大道虛无自然元始天尊太上道
君太上老君昊天玉皇上帝南極天皇大帝
北極紫微大帝南極長生大帝東極青華大
帝后土皇地祇九天生神上帝三十二天上
帝五靈五老上帝上清十一曜真皇君南斗
六司真君北斗九皇真君二十八宿星君營
室虛危星君土公土吏蓋屋土司空星君辟
土宮孤矢星君泰玄樞機三省諸相真君北
極四聖真君三元三官帝君靈寶五師真君
九天諸司真君天曹諸司真君祖師列位真
君三洞四輔經籙法部諸省府院司仙靈將
吏五嶽五帝真君五天聖帝洞天福地靖慮

治化仙真主宰本靖祖玄真師真人經籍度
師真人北陰鄭都大帝水府扶桑大帝九壘
土皇君土府五方大帝南離北坎東震西兌
四面方隅禁忌神君本府本縣城隍司主者
當境土地里杜真官三界官屬一切感靈臣

聞元精混沌生天地以權輿至道杳冥立陰
陽而主宰變化則亭毒萬有運行則周流六
虛囊括洪纖包羅今古虛无恍惚清微拱御
於綱維妙有恢張玄都裁成於政令人列三
才之貴性為萬物之靈分一炁以胚胎粟生
受命備衆形而變化孫妙凝真倘未離於塵
居固難潛於野處自乾震彰官室之制而河
洛昭郊甸之方神實司之帝其鑒矣臣等叨
叅政柄濫握化機佩肘後之金書未明妙道
示囊中之玉訣普暢玄宗既承敝向之勤盡
露懇祈之切爰有青詞謹當宣奏

宣詞

按如詞言情殫懇切齋主某詢謀梓匠經理
蓬居彈作室之辛勤觀克家之暇逸前營後
築五畝之宅歸然俯察仰觀九斗之官儼若

慮從摩役速至成功坂鑿有冒於葉方其搆
或干於熱位卜年卜世雖期福衍於春秋練
日練時或恐音彰於歲月惟資天澤可慰民
情庸依空洞之真編式建虛皇之玉陛風清
龍尾千官之環珮銜如日近螭頭十極之旌
苑爛若輝觀紫金之相聿嚴碧玉之壇凡奏
誠殫簡地恩霽願降穰穰之百福為消災象
之千災以今晚朝行道請法眾等運茲初捻
上香

願此香煙騰空徑上供養

无上至真道寶天尊等啟身皈神皈命首

體投地仰依

太上三尊十方眾聖願以是功德上祝

皇帝陛下伏願聖應義炎德高軒昊六龍飛
蹕混夷夏以提封八駿巡疆統山河而御宇

形掖著重明之誌青宮乘齊聖之資槐幄論
思榆關決勝均佐半千之運共扶億萬之基

今故燒香自皈依

道尊大聖眾至真之德得道之後係天長存

和與道合真

以今晚朝行道請法眾等運茲二捻上香
願此香煙騰空徑上供養
至真无上經寶天尊等啟身皈神皈命首
體投地仰依
太上三尊十方聖眾願以是功德皈流齋主

某伏願玉顏邁俗金骨儲仙三百六旬佛懽
登而賀夏一十二紀慶喜氣以熙春松蘿之
日月長新桑梓之春秋益茂文獻聿綿於世
澤詩書克著於家聲今故燒香自皈依

經尊大聖眾至真之德得道之後永保長生

和與道合真

以今晚朝行道請法眾等運茲三捻上香
願此香煙騰空徑上供養

无上至真即寶天尊等啟身皈神皈命首
體投地仰依

太上三尊十方眾聖願以是功德皈流三塗
五苦六洞十官苦與因徒陰靈滯識伏願地
除爾對冰絕盟言刀化樹而劍為霧寒虛陽
播水靜波而火息燄夜壑朝明均登快樂之
鄉齊脫輪迴之境峭翹蠢動咸鼓舞於天機

人鬼龍仙晉贊兼於帝化今故燒香自皈依
師尊大聖眾至真之德得道之後昇入无形
和與道合真

禮方 懺方

三啓

樂法以為妻 愛經如珠玉 持戒制六情
念道遣所欲 澹泊正氣停 蕭然神靜默

天魔並敬護 世世享大福

又

鬱鬱家國盛 濟濟經道興 天人同其願
縹緲入大乘 因心立福四 靡靡法輪昇

七祖生天堂 我身白日騰

又

大道洞玄虛 有念無不契 煉質入仙具
遠成金剛體 超度三界難 地獄五苦解

悉歸太上經 靜念稽首禮

三禮

臣等志心稽首禮

太上无極大道

臣等志心稽首禮

太上无極大道

臣等志心稽首禮

三十六部尊經

臣等志心稽首禮

玄中大法師

重稱法位

具位奉行五土齋醮法事小兆臣某與臨壇

官眾等謹重誠上啓

太上无極大道元始天尊太上道君太上老君十方无極大道道德眾聖天尊至真大帝天帝三十六部尊經玄中大法師土府太皇太始五帝中央戊己應感真靈臣聞天尊散甄陶之化誕布慈風地祇持綱御之權承宣化雨碧落界羅於五億黃輿機布於三千上昭星宿之輝下列山川之壯悉根源於元始祖炁咸宗本於无極真乘故三洞之玉笈宏開而九清之金書丕暢濟度幽顯拯拯人天凡殫蟻佃以飯依必錫鴻禧而普被無幽不燭有感斯通今齋主某以積善之家築環堵之室先猷克紹敢辭徒役之艱辛後業攸基懼瀆神靈之旁午或因構材陶甃或因空坎夷陵形勢所居填鑿是尚或的然三元之莫

避或空亡四向之有子或莫明吊替之方或不辨報登之位或昧貴人之逆順或觸直使之飛行或修營有犯於禍神或造作潛干於繫命或符火之禁方與役或刑金之惡位與工易致災殃曷臻福慶匪上資於帝渥莫不下慰於民情獅座端嚴不避丹三之瀆鸚班肆觀重撼萬一之忱觀鑿愚衷恪垂聖澤頒青符於上下飛丹詔於地中龍虎鳥蛇之方提封四正天地山風之象管領八維救陰然而伏藏勅陽靈而效衛太歲為衆神之主束縛地祇中黃為列善之宗消除土炁方隅安鎮龍虎承符庭戶無塵藹四時之佳景宗祧有耀延百世之榮觀遂十三義象之經營圖九五算時之志願公私泰定內外咸和蒙如丹禱之勤允被洪休之澤上願玄黃清晏海嶽凝澄同穎呈祥雙岐薦瑞仁風丕冒無操戈挾矢之徒化日舒遲免竭澤焚林之虞五穀熟而人民有三光全而寒暑平普及含靈均陶至化則上明

天尊大慈之化下副小臣皈向之誠謹啓以聞

發願

一願大道流行溥天懷德
二願一切有生咸皆悟道
三願九夜悲魂一時解脫
四願孤魂無依咸得受生
五願天下太平五穀豐熟
六願臣忠子孝君仁父慈
七願四海會同究親和釋
八願潛胞處卵咸得生成
九願積疾新病旋即痊愈
十願孤露衆生豐求足食

存神燒香

香官使者左右龍虎君侍香諸靈官當今臣晚朝行道之所自然生金液丹碧芝英百靈眾真交會在此香火爐前令臣等學道得道求仙得仙齊主蒙福幽顯霑恩十方仙童玉女接待蘭煙傳臣向來所啓之誠速達俚御至真无極大道昊天玉皇上帝御前

出堂頌

引至幕
謝師

靈寶領教濟度金書卷之一百九十六

靈寶領教濟度金書卷之一百九十七一百九十八同卷

洞微高士開光教苦真人竊金真授

靈寶通玄弘教水南先生林靈真編

科儀立成品安宅 齋用

謝恩醮儀

燒香頌

各禮師存念如法

衛靈

五星高耀 瑞炁飛浮 元始集神 天地交周

玉符寶節 嘯命微幽 擲火揚威 奸兇無留

萬魔探伏 紛葩却消 摧怪伐惡 道炁周流

神光照夜 陰翳俱收 萬仙降格 屬景乘風

群生成遂 惠通神州 和輿道合真

鳴法鼓二十四過

發爐

元上三天玄元始三炁太上道君太上老君

召出臣等身中三五功曹左右官使者侍香

金童傳言散花玉女五帝直符直日香客各

三十二人出出者嚴裝闡啓玄壇天帝神君

當召此間土地里域真官正神急上關啓臣

今奉為入意以令陞壇設醮願得

玉清道炁靈寶妙光下降流入臣等身中即

使玄壇清淨內外成真天無氛穢地絕杖塵

琳琅振響十方爾清萬魔不干真誠上徹令

臣所啓之誠速達徑御

至真無極大道昊天玉皇上帝御前

請稱法位

具位奉行五土齋醮法事小兆臣某與臨壇

官衆等謹同誠上啓

太上無極大道虛無自然元始天尊太上道

君太上老君昊天玉皇上帝南極天皇帝

北極紫微大帝南極長生大帝東極青華大

帝后土皇地祇九天生神上帝三十二天上

帝五靈五老上帝三十六部尊經玄中大法

師上清十一曜真皇君南斗六司真君北斗

九皇真君二十八宿星君營室虛危星君土

公土吏蓋屋土司空星君辟土宮孤矢星君

赤玄樞機三省諸相真君北極四聖真君三

元三官帝君靈寶五師真君九天諸司真君

天曹諸司真君祖師列位真君三洞四輔經